


中國方志叢書·華北地方·第二二一號

據清·劉榮等纂修
光緒元年刊本
影印

河 北 省

廣 昌 縣 志



成文出版社有限公司印行

696-797




中國方志叢書·華北地方·第二二一號

據清·劉榮等纂修
清·光緒元年刊本
影印

河北省

廣昌縣志



成文出版社有限公司印行

24.6763



10098763

中華民國五十八年 月壹一版

廣昌縣志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

廣昌縣志序

夫人文漸啟由歷久而發皇地軸鍾祥亦有待乎運會不惟天下之大勢為然即最爾邑亦何莫不然地靈人傑代有轉移幸逢其會者苟綜今昔而時誌之謂不足增輝乎志乘哉余自幼時好涉獵史事輒留意於方輿形勢要害與夫往蹟芳蹤及長而宦游燕趙間鞅掌馳驅凡所歷山川名勝靡不採風問俗心焉誌之歲己巳

授廣昌令竊謂是邑也漢書所稱拒飛狐之口
而為歷代戰守之區民數困於兵荒治恐鄰於
凋敝膺茲民社凡衛民養民教民諸政責備甚
多整理當非易易何幸蒞任後瞻謁 文廟及
書院義學皆興修未久魏煥可觀問諸兵制倉
儲尤為完備揆文奮武較他邑尤燦如焉藉非
邑有君子與有先我而為之者曷克臻此惟縣
志一書更為政典所最要披閱舊志記載闕如

而冊籍亦僅有存者詢之邑紳僉稱厯任失修
迄今已百餘年矣嗚呼時閱數傳其間因革損
益風教固殊補舊增新至繁且要烏可聽其愈
久而愈失哉雖然修志難而廣邑尤難地處極
邊掌故之留貽者少則稽考難年週兩甲事蹟
之湮沒者多則採訪難守土者非迫於簿書之
鮮暇即慮夫編刻之無資年遠因循職是之故
然為邑也宰者宜為邑也事豈容以其難而忽

諸況廣邑自改屬 畿甸以來為 泰陵風

水之重地已有年矣 國家厚其培川嶽毓其

秀險隘漸闢為康莊沙石漸開為阡陌商賈日

益集民物日益豐風氣日益上偏僻也而根本

重之邊陲也而 畿輔重之矣所難如彼而所

重又如此於此而不盡吾心惡乎盡吾心遂時

與廣文紀君等謀修輯之並屢因勘驗週歷四

鄉耳目之所及父老之所傳訪良帥名將之遺

蹤過孝子忠臣之墟墓尋幽探勝稽古證今而
欲藉修志以振勵風俗之思彌勃發而不可遏
適奉 上憲以續修通志頒示條款因並仿照
體裁增修其志即首先捐廉為闔邑倡商之紳
士靡不樂從不旬日間集有成數遂命各紳董
立局分四鄉採訪遵 郡憲趙公條款旋輯旋
錄邑孝廉李君得齡掌正誼書院駐局任事別
駕張君煥事多諳練助之編次孝廉辛君元瑾

明經梁君瑄廣文徐君知禮茂才梁君秉鈞及
諸紳等互相參考兼質之 廣文紀君更為刪
繁補略詳細校訂余亦以所聞見者一知半解
參酌其間合羣力而成一書越數月而藏厥事
呈質於 郡憲趙公并請弁數言於簡端惜未
果去任而邑紳亟擬付梓問序於余余固不敢
以述作居其功亦何敢以疏淺逃其責除已詳
前志不復贅言聊敘興修是志之顛末而甚幸

數年承乏猶及徵百餘年文獻繼厯任之闕如
者而克奏其成是役也其所以鑒往者在茲示
來者在茲為闔邑之典章者亦在茲炳烺照耀
秩然燦然是邑之光也諸大雅之贊成也余何
力之有焉
光緒元年歲次乙亥孟秋

中憲大夫知廣昌縣事東浙劉 榮謹識



廣雅

卷

四

廣昌縣志序

廣邑舊志久修已百餘年矣
地與星野已定者不可更他矣
人物事蹟等類勢殊時異歲
有變遷倘積久而流風既邈故

老無徵即欲增續重刊亦我嘆
考核之無據邑侯劉君嘗憲
及此而有志未逮也會省郡修
畿輔志徵邑乘以備採擇公曰
此其時矣爰集紳士籌商採訪

參攷志分任之余以備吳學校
濫竽坐中稽古證今不禁竊
有感焉友廣昌最爾區耳交
極邊外居萬山中每有聞知
名而茫然不知者以地遠而

偏坡也余初銓選得此閤者
咸為扼腕惜及履任見夫擁
飛狐通拒馬羣山拱翠萬壑
舒青數百里怪石奇峰應接不
暇形勢之勝為他郡所弗及又

見夫俗尚敦龐民習質樸
彬彬有太古風則此地殆不可
棄而可取自維不才無學潦
倒半生不得已來奉 尼山
香火嗜饔飩菜味枕石頭眠
雞

仕猶隱迺仍流連不忍掛冠去
別以風景之繫人者深也至
於脉連

陵寢靈秀所鍾前序基詳矣事
振振重敏畫既成將付剞劂